

# «battaporta.ch» – rockischem en la rait

RTR preschenta ina nova offerta per la giuventetgna



**Il nov portal  
dad internet.**

MAD

■ **Cun «battaporta.ch» lantschescha Radio e Televisiun Rumantscha (RTR) ina nova purschida multimediala per la giuventetgna da la Svizra rumantscha. La pagina d'internet battaporta.ch va online, gievgia, ils 26 da fanadur 2007, a mesanotg.** Sin la pagina chatt'ins l'emprim rapports sur dal 23 avel Open Air Lumnezia, che cumenza, venderdi, ils 27 da fanadur. Durant l'Open Air a De-

gen, rapporta il Radio Rumantsch live venderdi e sonda saira, a partir da las 18.30 uras. La spierta pli gronda e vasta datti en l'internet: «battaporta.ch» rapporta sur dal Open Air en tut ils detagls, da davant e davos la tribuna, dals artists e dals visitaders. Sin la pagina pon ins ultra da quai gia gudagnar tickets per l'Open Air Lumnezia 2008!

E natiralmain è battaporta.ch era musica. Sin la pagina è dad

udir musica giuvna da tut gener e da tut las uras. Plinavant chatt'ins era novitads da la regiun fin tar novitads da tut il mund e dal mund dal sport.

En l'avegnir vegn battaporta.ch ad esser anc dapli: ina plattafurma per la giuventetgna rumantscha e grischuna nua ch'i dat infurmaziuns sur d'events grischuns, gruppas e bands grischunas e rumantschas e bler auter pli.